



PUO YA GO TSWALA KA NGK CHANA PILANE-MAJAKE, MP, MOTLATSATONA WA BODIRE DIPUSO LE TSAMAISO KWA KHONFERENSENG YA BRICS E E MABAPI LE TAOLO LE TOKAFATSO YA TSAMAISO YA PUSO, YUNIBESITHI YA PRETORIA, 19 PHUKWI 2023

Moradisi

Maloko a Badirisani ba badipolomate go tswa
kwa dinageng tsa BRICS

Motlatsamonnasetulo le Bakomišinara ba Khomišene ya Bodiredipuso ya Aforikaborwa,
Bakaedikakaretso, ditlhogo tsa ditheo tsa puso le batlhankedi ba bagolo ba puso
Maloko a barutegi

Baeng ba ba tlotlegang, dibui le bannaleseabe ba ba leng teng fa gompiono mmogo le
bannaleseabe ka tlhaeletsano ya inthanete mo lefatsheng ka bophara.

Moradisi, ntetlelele sa ntlha ke lo leboge botlhe mabapi le seabe sa lona le go nna teng ga lona mo Khonferenseng e ya BRICS ya 2023. Ka nnete, re ne ra itumelela go nna le lona mo malatsing a le mararo a puisano e e neng e itumedisa thata e e neng e amana le botlhale. Re itumetse fa re kgonne go amogela baemedi go tswa mo nageng ka bophara le mo lefatsheng ka bophara. Khonferense e ka nnete e ne ya fitlhelela ditsholofelo tsa yona tsa khonferense ya boditšhabatšhaba e e mabapi le taolo le taolo ya tsamaiso ya puso mabapi le dinaga tsa BRICS.

Ke itsisetswe ka boikanyego gore khonferense e ne ya amogela dipampiri tse di neng di amana le botlhale e bile di itumedisa go tswa mo baitseanapeng, mo baruteging, le mo bathong ba ba neng ba feta 50 go tswa mo dipusong tsa dinaga tsa BRICS, dikolo tsa puso, ditheo tsa thuto e kgolwane le dinaga tse di neng di amega. Ke itumetse fa Sekolo sa Bosetšhaba sa Puso sa Aforikaborwa se dirisana le Yunibesithi ya Pretoria go sekaseka dipampiri tsotlhe, tse di yang go phasaladiwa. Mabapi le se, ke a lo lebogisa lona lotlhe e bile ke solofela go amogela

khophi ya me e e gatisitsweng.

Re tshwanetse go leboga Yunibesithi ya Pretoria, le Motlatsamokanseliri wa nama-o-tshwere, Moporofesara Carolina Koornhof mabaipi le tsholo ya bona mo go tshwareng khonferense. Ke a leboga, e bile ke solofela gore yunibesithi e ya go tswelapele go dirisana le rona.

Gape, ke batla go boeletsisa gore botlhokwa jwa tirisano mogo ya BRICS mabapi le go tshegetsa leeto la Aforikaborwa le la kontinente ya Aforika le malebana le itharabologelo ya ikonomi morago ga COVID e botlhokwa thata. Mo go BRICS, Aforika le yona e ya go emelela. Aforika e re e batlang. Ka ntlha ya lebaka le, ke batla go leboga badirisani ba BRICS, melaetsa ya bona ya tshegetso le tirisano mogo e e tswelapele le Sekolo sa Bosetšhaba sa Puso.

Gape ke itumelela tirisano mogo le OECD, e go tswa mo go yona re neng ra amogela ditlhagiso tse di neng di amana le botlhale mabapi le bokamoso jwa dikolo tsa puso. Se, se tswelapele go nna botlhokwa thata ka kakaretso mo ditokafatsong tsa bodiredipuso e bile segolobogolo mo bokamosong jwa bodiredipuso.

Khonferense e, e neelane ka serala sa puisano malebana le merero e e leng botlhokwa mo dinageng tsa BRICS, e e amanang le tlhabololo ya mafatshe a mo toropong, eneji e e tswang mo didirisiweng tsa tlhago, taolo ya matlhotlhapelo le taolo ya mathata. Se, se tswelapele go nna botlhokwa mo dinageng tsa BRICS le mo kontinenteng ya Aforika.

Re tshwanetse go tswelapele go kgaratlhela go aga bodiredipuso jo bo nang le maikarabelo, jo bo nang le maitsholo, jo bo nang le bokgoni e bile e le jwa tlhabololo mo dinageng tsa rona go fitlhelela maikaelelo a

rona a tlabelololo le go samagana ka bothale le bobodu mo dinageng tsa rona tse di farologaneng. Gape go tlhagisa boporofeshenale le maitsholo a a siameng mo bodiredingpuso go bothokwa, Se se leng Bothokwa thata tiriso ya dikgato tsa kotlhao e tshwanetse go kgonagala – ka e tlhagisitswe mo dipuisanong.

Go ya kwa pele, ke lo kopa lotlhe go sekaseka dipampiri tse di tlhagisitsweng go bona dithuto go tswa mo dikatlegong le mo go retelelweng ga dipuso tsa rona le mekgwa e e dirisitsweng mabapi le go dira gore dinaga tsa rona tse di farologaneng di tsibogela thata le ka bonako ditlhokwa tsa batho ba rona.

Ka re konosetsa khonferense ke eleletsa baeng ba rona ba boditšhabatšhaba masego mo leetong la lona la go boela gae le go akanya gore go nna ga lona mo nageng ya rona go ne ga itumedisa. Ke dumela gore khonferense e ya pele ga Kopano e atlegile le gore e dirile motheo o o siameng wa dipuisano go ya pele kwa Kopanong ya BRICS e e yang go tshwarwa mo Aforikaborwa ka Phatwe 2023.

Baeng ba ba tlotlegang, ke kaya fa Khonferense e tlile kwa bokhutlong mme go letilwe dikitsiso

Ke a leboga.